



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Sancti Hieronymi Stridonensis, Sanctae Romanae Ecclesiae Presbyteri Cardinalis Epistolae In Tres Libros distributae**

**Hieronymus, Sophronius Eusebius**

**Coloniae Agrippinae, 1674**

XVI. [i.e. XIV.] Ad Paulinum monachum. Bonus homo.

**urn:nbn:de:hbz:466:1-37862**

XVI. Hieronymus Paulino monacho, & juveni eloquenti, postea Nolano Episcopo. Respondet ab eodem antè laudatus, & sicut rogatus erat, præsertim illi formam vivendi, talemque monachi institutionem, quæ omnibus vera pietatis studiosis egregiè quadrat.

- Matt. 12.* **B**onus homo de bono cordis thesauro profert ea quæ bona sunt: & ex fructibus arbor cognoscitur. Metiris nos virtutibus tuis, & parvo magnus extollis: ultimamque partem contrivis occupas, ut patrisfamilias iudicio proveharis. Quid enim in nobis, aut quantum est, in doctrinæ vocis mereamur præconium? ut illo ore quo religiosissimus princeps defenditur, humiles modicique laudemur? Noli igitur frater charissime, annorum nos aestimare numero: nec sapientiam canos reputes, sed canos sapientiæ, Solomon testante: Cani hominis prudentia est.
- Sap. 4.* Nam & Moyses septuaginta presbyteros jubetur eligere, quos ipse sciret esse presbyteros: utique non ævo, sed prudentiâ judicandos. Et
- Dan. 13.* Daniel adhuc puer longævus iudicat, atque impudicos senes ætas lasciva condemnat. Noli, inquam, fidem pensare temporibus, nec me idcirco meliorem putes, quod prior in Christi exercitu coeperim militare. Paulus Apostolus, vas electionis de persecutore mutatus, novissimus in ordine, primus in meritis est: quia extremus licet, us omnibus laboravit. Judas proditor amici magistri Salvatoris arguitur voce, & Virgil, nodum informis læti, trabe necit ab alta. At e-



contrario latro crucem mutat paradiso, & factus homicidij pœna martyrium. Subitus calor longum vincit teporem. Denique & tu auditâ sententiâ Salvatoris: Si vis perfectus esse, vade, vende cuncta quæ habes, & da pauperibus, & veni sequere me: verba vertis in opera, & nudam crucem nudus sequens, expeditior & levior scandis scalam Jacob. Tunicam mutas cum animo, nec pleno marsupio gloriosas sordes appetis: sed puris manibus, & candido pectore pauperem te & spiritu & operibus gloriaris. CRATES ille Thebanus homo quondam ditissimus, cum ad philosophandum Athenas pergeret, magnum auri pondus abiecit: ne putavit se posse simul & virtutes & divitias possidere. Nos suffarinati auro Christum pauperem sequimur: & sub prætextu elemosynæ pristinis opibus incubantes, quomodo possumus aliena fideliter distribuere, qui nostra timidè reservamus? PLENIUS venter faciliè de jejunijs disputat. Non Hierosolymis fuisse, sed Hierosolymis bonè vixisse, laudandum est.

Quia igitur fraternè interrogas, per quam viam incedere debeas, revelatâ tecum facie loquar. Si officium vis exercere presbyteri, si Episcopatus te vel opus, vel honor fortè delectat, vive in urbibus & castellis, & aliorum salutem fac lucrum animæ tuæ. Sin autem cupis esse, quod diceris, monachus, id est solus, quid facis in urbibus, quæ utique non sunt solorum habitacula, sed multorum? HABET unumquodque propositum principes suos: Romani principes imitentur Camillos, Fabricios, Regulos, Scipiones: Philosophi

*Paulinus  
se pauperem  
fecit.  
Matt. 19.*

*Gen. 28.*

*Crates  
opes abiecit.*



proponant sibi Pythagoram, Socratem, Platonem, Aristotelem: Poetae amulentur Homerum, Vergilium, Menandrum, Terentium: Historici, Thucydidem, Salustium, Herodotum, Livium: Oratores, Lyfiam, Gracchos, Demosthenem, Tullium. Et ut ad nostra veniamus, Episcopi & Presbyteri habeant in exemplum Apostolos, & Apostolicos viros: quorum honorem possidentes,

*Clericorum principes.* habere nitantur & meritum. Nos autem habeamus propositi nostri principes, Paulos, Antonios, Julianos, Hilariones, Macarios. Et ut ad auctoritatem scripturarum redeam, noster princeps Helias, noster Helisæus, nostri duces filij prophetarum, qui habitabant in agris & solitudinibus, & faciebant sibi tabernacula prope fluentia Jordanis.

*Filij Rechab.* De his sunt & illi filij Rechab, qui vinum & ficeram non bibebant, qui morabantur in tentorijs, qui Dei per Hieremiam voce laudantur, & promittitur eis, quod non deficiat de stirpe eorum vir stans coram Domino.

*Filij Ionadab.* Et Jonadab filij sunt, qui in tabernaculo semper habitantes, ad extremum propter irruptionem Chaldaici exercitus, Hierosolymam intrare compulsi, hanc primam captivitatem sustinuisse dicuntur, quod post solitudinis libertatem, urbe quasi carcere sunt reclusi.

*Secessus quarendus monacho.* Obsecro itaque te, ut quoniam sanctæ fororis tuæ ligatus es vinculo & non peritus expedito petgis gradu, sive hic, sive ibi, multitudines hominum, & officia, & salutationes, & convivia veluti quasdam cathenas fugias voluptatum. Si t

*Vita monachi.* vilis vespertinus cibus, holera & legumina interdumque pisciculos pro summis ducas delicijs. Qui Christum desiderat, & illo pane vescitur non qua-

qua-



quærit magnoperè, de quàm pretiosis cibus stercus conficiat. Quicquid post gulam non sentitur, idem tibi sit quod panis & legumina. Habes adversus Jovinianum libros de contemptu ventris & gutturis plenius differentes. SEMPER in manu tua sacra lectio. Frequenter orandum, & flexo corpore mens erigenda ad Dominum. Crebræ vigiliæ, & ventre vacuo sæpius dormiendum. Rumuscules, & gloriolas, & palpantes adultores quasi hostes fuge. Pauperibus & fratribus refrigeria sumptuum manu propria distribue. RARA est in hominibus fides. Non credis verum esse quod dico? Cogita Judæ loculos. Humilitatem vestium tumentis animo non appetas. SECLARUM & maximè potentium consortium devita: Quid tibi necesse est ea videre crebrius, quorum contemptu monachus esse cœpisti? Soror præcipue tua matronarum declinet consortia. Nec inter sericas vestes & gemmas circumfudentium feminarum se sordidatam aut doleat, aut miretur: quia alterum propositi pœnitentia, alterum jactantiæ seminarium est. Cave, ne quasi fidelis & famulus tuorum quondam dispensator, alienam pecuniam distribuendam accipias. Intelligis quid loquar. Dabit enim tibi Dominus in omnibus intellectum. HABETO simplicitatem columbæ, ne cuiquam machineris dolos; & astutiam serpentis, ne aliorum supplanteris insidijs. Non multum distat in vitio, vel decipere posse, vel decipi Christianum. Quem senseris tibi aut semper, aut crebrò de nummis loquentem, exceptâ elemosynâ, quæ indifferenter omnibus patet, instatorem potius habeto, quàm monachum.

Præ

*Lectio.*

*Oratio.*

*Vigilia.*

*Jejunia.*

*Adulatores.*

*Elemo-*

*syna.*

*Joan. 12.*

*Vestes.*

*Fugienda:*

*consortia.*

*2. Tim. 2.*

*Simplici-*

*tas cum*

*pruden-*

*tia con-*

*jungenda.*

*Matt. 10.*



Præter victum & vestitum, & manifestas necessitates nihil unquam cuiuslibet tribuas, ne sibi panem canes comedant. Verum Christi templum anima credentis est: illam exorna, illam vesti, offer donaria, in illa Christum suscipe. Quæ utilitas est parietes fulgere gemmis, & Christum paupere fame periclitari? Jam non sunt tua, quæ possides, dispensatio tibi credita est. Memento Ananiæ & Sapphiræ: illi sua timide servaverunt. Tu considera, ne Christi substantiam imprudenter effundas, id est, ne immoderato judicio recte pauperem tribuas non pauperibus, & secundum dictum prudentissimi viri liberalitate liberalitas pereat. Noli respicere ad phaleras, & nomina vetera Catonum: Ego te, inquit, intus & in cute novi: ESSE Christianum grande est, non videri. Et nescio quomodo plus placet mundo, qui Christo displicet. Hæc non, sicut ajunt, sus minervam, sed ingredientem pelagus, amicus amicum monui, quæri meam à te facultatem malens, quam voluntatem: ut in quo ego lapsus sum, tu firmo pergeres gradu. Accingere quæso te, accingere. Nihil sine magno vita labore dedit mortalibus. Nobilem te Ecclesia habeat, ut prius habuit senatus. PRÆPARA divitias tibi, quas quotidie eroges, & nunquam deficient, dum viget ætas, dum nondum canis spargitur caput, antequam subeant morbi tristisque senectus. Et labor & diræ rapiat inclementia mortis. Nihil in te mediocre esse contentus sum: totum summum, totum perfectum desidero.

Matt. 15.

Quæ & quibus donanda elemosina. Act. 5.

Epilogus.

Horat.

Virgil.